

locuti sunt Prophetæ. Nonne hæc oportuit pati Christum, & ita intrare in gloriam suam? & incipiens à Moyse, & omnibus Prophetis, interpretabatur in omnibus Scripturis, quæ de ipso erant: & appropinquaverunt castello, quo ibant, & ipse se finxit longius ire: & coegerunt eum dicentes: Mane nobiscum, quoniam advesperascit, & intravit cum illis: & dum recumberet, accepit panem, & benedixit, ac fregit, & porrigebat illis, & aperti sunt oculi eorum, & cognoverunt eum, & ipse evanuit ex oculis eorum. Luc. 24. vers. 13...31

*I. Christi apparitio Petro soli.*

CLXXIX. Et surgentes regressi sunt in Ierusalem, & invenerunt congregatos undecim, & eos, qui cum illis erant, dicentes: quod surrexit Dominus verè, & apparuit Simoni. Luc. ibid. vers. 33. 34. sic & Paulus. 1. ad Corinth. 15. vers. 5. quia visus est Cephæ (Simoni Petro,) & post hoc undecim.

*Iesu Christi apparitio Apostolis, absente Thomâ.*

CLXX. Novissimè cum sero esset die una Sabbatorum, & fores essent clausæ, ubi erant Apostoli undecim congregati, propter metum Iudæorum, stetit in medio eorum, & dixit: Pax vobis; Ego sum: & exprobravit incredulitatem & duritiam cordis eorum, quia iis qui viderant eum resurrexisse, non crediderunt, & ostendit eis manus & pedes, & manducavit partem piscis assi, & favum mellis. Marc. 16. vers. 14. Luc. 24. vs. 36...42. Ioan. 20. vs. 19. 20.

*I. Christi apparitio Apostolis præsentem Thomâ.*

CLXXI. Et post dies octo iterum erant Discipuli ejus intus: & Thomas cum eis. Venit Iesus januis clausis, & stetit in medio, & dixit: Pax vobis. Deinde dicit Thomæ: Infer digitum tuum huc, & vide manus meas. & affer manum tuam, & mitte in latus meum, & noli esse incredulus, sed fidelis. Ioan. 20. vers. 26. 27.

*I. Christi apparitio quibusdam Apostolis & Nathanaëli ad Mare Tiberiadis.*

CLXXII. Postea manifestavit se iterum Iesus Discipulis ad Mare Tiberiadis. Erant simul Simon Petrus, & Thomas qui dicitur Didimus, & Nathanaël, qui erat à Cana Galilææ, & filii Zebedæi, & alii ex Discipulis duo, & ascenderunt in navim (ut piscarentur) & illa nocte nihil prenderunt. Mane factò Iesus stetit in litore, non tamen cognoverunt (eum) Discipuli. Dixit eis Iesus: Numquid pulmentarium habetis? responderunt non. Dicit eis: Mittite in dextram navigii rete, & invenietis. Miserunt, & jam non valebant illud trahere, præ multitudine piscium. Dixit Discipulus ille, quem diligebat Iesus, Petro: Dominus est. Simon Petrus cum audisset, quia Dominus est, misit se in mare. Alii Discipuli navigio venerunt trahentes rete piscium, quod Petrus traxit in terram plenum magnis piscibus centum quinquaginta tribus, & cum tanti essent non est scissum rete. Ioann. 21. vers. 1...11.

*Iesu Christi apparitio undecim Apostolis in monte Galilææ.*

Undecim autem Discipuli abierunt in Galilæam, in montem, ubi constituerat illis Iesus, & videntes eum adoraverunt, & accedens Iesus locutus est eis, dicens: Data est mihi omnis potestas in cælo & in terra. Euntes ergo docete omnes Gentes, baptisantes eos in nomine Patris, & Filii, & Spiritus Sancti, docentes eos servare omnia quæcumque mandavi vobis, signa sequentur credentes, ecce vobiscum. sum ad consummationem sæculi. Matth. 28. vers. 16...20.

*I. Christi apparitio Discipulis.*

Deinde visus est plus quam quingentis fratribus simul, ex quibus multi manent usque adhuc, quidam autem dormierunt. Paul. 1. ad Cor. 15. vers. 6.

*I. Christi apparitio Iacobo soli.*

Deinde visus est Iacobo. Paul. 1. ad Corinth. 15. vers. 7.

*I. Christi apparitio Apostolis, & ejus Ascensio in Cælum.*

Deinde Apostolis omnibus, Paul. ibid. in CLXXV, Bethania scilicet. Apostolis enim præbuit seipsum vivum post Resurrectionem suam per dies quadraginta: eos docens de regno Dei, præcepitque ne ab Ierosolymis discederent, accepturi Virtutem Spiritus Sancti, ut sui essent testes in Ierusalem, & omni Iudæa & Samaria, usque ad ultimum terræ. Quia oportuit Christum pati & resurgere à mortuis, & prædicare Sapientiam & remissionem peccatorum: & cum collegisset eos omnes in Ierusalem, iisque sensum aperuisset ut intelligerent Scripturas, eduxit eos foras in Bethaniam & à Bethania in montem Oliveti: Discipulisque eum interrogantibus, an in tempore illo restitueret regnum Israël, respondit, non esse illorum nosse tempora vel momenta, quæ Pater posuit in sua potestate. Et cum hæc dixisset, elevatis manibus benedixit eis: & videntibus illis elevatus est, & nubes suscepit eum; cumque intuerentur euntem in Cælum, duo viri altiterunt in vestibus albis dicentes: Viri Galilæi, quid statis inspicientes in cælum: Hic Iesus assumptus est à vobis in cælum, sic veniet, quemadmodum vidistis eum euntem in cælum. Ex Marc. 16. vers. 19. Luc. 24. vers. 50. 51. ex Act. Apost. 1. vers. 2...11.

*I. Christi apparitio Stephano.*

Cum esset Stephanus plenus Spiritu Sancto, CLXXVI, intendens in cælum vidit gloriam Dei, & Iesum stantem à dextris Dei; & ait: Ecce video cælos apertos, & Filium hominis stantem à dextris Dei. Act. 7. vers. 55. Stephanus ipse met cum fidei suæ coram Iudæis rationem reddidit, ipsique stridentes dentibus in eum fecerunt impetum, & ejecerunt extra civitatem, ut lapidarent. vers. 56. 57.

*I. Christi apparitio Paulo penes Damascum.*

Paulus apparitiones Christi breviter recensens, CLXXVII: